



Jeneraly George Catlett Marshall (31 desambra 1880-16 oktobra 1959)

Notenenin'ny Filoha Andry Rajoelina, tamin'ny Alahady 14 Jona teo, ny hoe «Plan Marshall». Taorian'izay dia tokony mba «nihetsika» ny tomponandraikitra misahana ny serasera («*communication*») ao amin'ny Prezidansy mba nanome fanazavana mikasika izany «*Plan Marshall*» izany. Tsy ho sasatra mihitsy aho ny hiteny fa tsy ny Malagasy rehetra akory no afaka mijery Internet. Ary raha manana Facebook ianao ao amin'ny smartphone-nao tsy voatery afaka mijery Internet avy hatrany. Misy vola amboniny tsy maintsy aloha.

Fa raha mikasika ny «*Plan Marshall*» dia niandry an'i Paoly tokoa ny rehetra fa tsy nisy mihitsy izany fanazavana izany amin'ny fomba ofisialy ary indrindra amin'ny teny malagasy mazava. Aiza moa no tsy handeha be ny tsaho isan-karazany momba io planina voalaza sahadry fa mitenina 1.043 milliara ariary io ? Volabe anie izany e ! Misy mpanao gazety aza, efa aman-taonany no nanao io asa io, tsy mahay manoratra azy fa nataony hoe

«*Plan Marcha*»

. Tsy misy mibedy na manitsy e... Dia hitovy amin'ilay hoe

«*choléravirus*»

ny resaka niafarany. Mety mampihomehy fa kosa ny iray

«*matihanina*»

, ary ny faharoa vehivavy tsy nahita fianarana lavitra loatra.

Fa tena mbola mibaribary hatrany, ary hatreto, fa tsy manatontosa ny andraikitra tokony sahaniny mihitsy ny tomponandraikitra manodidina ny Filoha Rajoelina izay heverin'ireo fa hanombe baiko azy ireo foana, eny na ny amin'izany aza. Tena fomba fitantanana tamin'ny fanjanahana frantsay anie izany e ! («*Administration coloniale française* : *un fonctionnaire est fait pour fonctionner et non pour réfléchir et/ou donner des idées et prendre des initiatives* »). Nilaozan'ny toetr'andro izany.

Filoha mbola tanora, misoka-tsaina amin'ny rehetra ary miandry sosokevitra avy amin'ny rehetra ihany koa anie i Andry Rajoelina fa toa tadiavianareo tehirizina ho anareo irery amina hevi-diso sy « *Oui, Monsieur le Président* » hatrany, kanefa hafa no atao any amin'ny fiarahamonina any... Efa nasian'ny namana Jesy Rabelalao resaka ny mikasika io lesoka be io ka tsy ivalamparako eto. Sa kosa tianareo ho lazaina fa tsy azo resahina sy tsy refesi-mandidy izy fa ny azy ihany no azy ? Asa, fa manoloana izany lesoka lalina izany dia noraisiko adidy sy andraikitra ny manazava ny atao hoe

«*Plan Marshal*»

izany. Iza ? Avy Aiza ? Inona ? Oviana ? Antony ? Ndao ary.

Ny atao hoe «*Plan Marshall*» dia fomba fampindramam-bola amerikana ho an'ireo firenena miisa 16 ao Eoropa izay rava sy potika teo amin'ny lafiny maro noho ny Ady Lehibe faharoa (World War II : 1939-1945). Ny tena anarany marina dia hoe « *European Recovery Program* »

»

na ERP, izay midika amin'ny teny malagasy hoe : Praograma fanarenana ny Eoropa. Fa avy aiza ary io hoe Marshall io ? Izy io dia anaran'ny Jeneraly George Catlett Marshall, Sekreteram-panjakana amerikana

(«

United States Secretary of State»

), sady lehiben'ny Etamazaorin'ny Tafika amerikana no nisahana ny Raharaham-bahiny, fony Andriamatoa Harry S. Truman (1884-1972) no filoham-pirenena amerikana faha-33, teo anelanelan'ny taona 1945 sy 1953.

Tsara ho fantatrareo, ry mpamaky hajaina, fa misy dimy ny olom-pantatra, azo atao hoe malaza, mitondra io anarana George Marshall io. Dia : George Frederick Leycester Marshall (1843-1934), Anglisy mpikolokolo ny zavaboary ; George Marshall (1891-1975)

, Amerikana mpanatontosa sarimihetsika ; George Herbert Marshall (teraka ny taona 1877 fa tsy fantatra ny daty nahafaty azy), sady Grika no Anglisy, mpanao fanatanjahantena sy tennis ; George Marshall (teraka ny taona 1964), Anglisy mpikolokolo ny tontolo iainana ary ny Jeneraly resahintsika eto, dia George Catlett Marshall (1880-1959).

Raha ny tantara marina dia mpanao gazety anglisy telo, tamin'izany vaninandro izany, no nahatonga io planina fampindramam-bola io nitondra ny anaran'io Jeneraly Marshall io, taorian'ny nandrenesan'izy telo ireo ny fanambarana nataony tao amin'ny Oniversite ao Harvard, ny 5 Jona 1947. Hoy izy mantsy tamin'izany, amin'ny anaran'ny firenena amerikana :

« It is logical that the United States should do whatever it is able to do to assist in the return of normal economic health in the world, without which there can be no political stability and no assured peace.

Our policy is directed not against any

country or doctrine but against hunger, poverty, desperation and chaos »

. Ny dikany amin'ny teny malagasy dia :

" Lojika raha manao arak'izay eo am-pelatanany sy araka ny fahefany ny Etazonia hanampiana ny fiverenan'ny fahasalamana ara-ekonomikan'izao tontolo izao. Raha tsy misy mantsy izany dia tsy hisy ny fahamarinan-toerana ara-politika, tsy hisy ny fandriampahalemana hitoetra. Ny politikanay dia tsy hiadiana amina firenena na amina ideolojia fa hiadiana amin'ny anoanana, amin'ny fahantrana, amin'ny famoizam-po sy amin'ny fisavoritahana "

. Ireo teny ireo no notaterin'izy telolahy tao amin'ny radio BBC (

« *British Broadcasting Corporation* »

) ary nampitondrany ny anarany hoe

«*Marshall Plan*»

izany hoe Planina an'i Marshall na Planina novelabelaran'i Marshall.

U.S. Economic Assistance Under the European Recovery Program
April 3, 1948 - June 30, 1952
(Total Amount in Millions of U.S. Dollars, Source: USIA)

United Kingdom	5,189.8
France	2,713.6
Italy	1,506.8
Germany (West)	1,390.6
The Netherlands	1,083.5
Greece	706.7
Austria	677.8
Belgium/Luxembourg	559.3
Denmark	273.0
Norway	255.3
Turkey	225.1
Ireland	147.5
Sweden	107.3
Portugal	91.2
Iceland	29.3

Raikitra tamin'izany anarana izany tokoa io planina io ary ny 3 avrily 1948 dia nosoniavin'ny Filoha Harry S. Truman, ny « *Foreign Assistance Act* » izay manome alalana an'ny Etazonia manampy firenena ivelany, amin'izay fomba rehetra azo atao, ka tafiditra tamin'izany voalohany io « *Marshall Plan* » io. Ny ampitson'io fanaovan-tsonia io ihany dia raikitra ny fandefasana ireo fanampiana mafonja dia mafonja. Ireto avy ny firenena nahazo izany : Autriche, Belgique, Luxembourg, Danemark, France, Allemagne (RFA teo aloha), Grèce, Islande, Irlande, Italie, Norvège, Pays-Bas, Portugal, Royaume-Uni, Suède, Turquie.

Teo anelanelan'ny 3 avrily 1948 sy ny 30 jona 1952 dia vola mitentina 16,5 miliara dôlara no

nampindramin'ny fanjakana amerikana an'ireo firenena miisa 16 ireo. Raha amin'izao taona 2020 izao dia tafakatra 173 miliara dôlara io vola io. Fa nanaovana inona tokoa moa izany vola izany, raha fintinina ? Ny 20 septambra 1947, tao amin'ny Hôtel Talleyrand ao Paris, France, dia nanao sonia fifanarahana ireo firenena ireo fa : manaiky ny fampindramam-bola avy any amin'ny fanjakana amerikana hividianana fitaovana isan-karazany fa tsy maintsy «*made in U.S.A.*» »

izany hoe vita any Etazonia. Aleho soratako teny frantsay mazava ny momban'ilay fifanaraha dia mitadiava ianareo mpandika teny, hialana amin'ny tsaho sy resaka adala tsy ho laozan'ny sasany atao. Zony izany fa ny marina, marina ihany... «

Les milliards débloqués ne sont pas un don mais un prêt accordé par des banques américaines avec une garantie des États-Unis. Le mécanisme retenu consistait à fournir un crédit à un État européen. Ce crédit devait servir à payer des biens et services provenant des États-Unis. L'État européen bénéficiaire encaissait, en monnaie locale, le produit des ventes de ces importations sur son marché national, ainsi que les droits de douanes afférents »

Tsy maintsy hisy hiteny hoe : fetsy ny Amerikana. Marina izany. Fa ireo firenena miisa 16 ireo moa aiza ho aiza raha oharina amin'ity Madagasikara ity, amin'izao fotoana izao (ivelan'ity areti-mandoza covid-19 ity) ? Nefa mba be ihany anie ny vola nomen'ny vahiny tao anatin'ny izay 60 taona niverenan'ny Fahaleovantenan'ity Nosy ity e !? Nankaiza avy ary nanaovana inona ? Tsy nisy nitondra izany volabe tokony nanasoavina ny firenena malagasy izany any am-pasana akory, mino izany isika... Rehefa misy moa ny ady tsy maintsy misy ny mandresy fa ao koa ny resy. Ny taona 1964 ary, tena niaiky tanteraka Ingahy Konrad Adenauer, Chancelier nialohan'i Angela Merckel ao Allemagne ankehitriny, nilaza fa «*teo amin'ny Tantaran'ny zanak'olombelona dia angamba voalohany izao no nisy firenena mpandresy nanome tãnana firenena resy*»

(«**C'est probablement la première fois de l'Histoire qu'un pays victorieux tend la main pour relever celui qu'il a vaincu**»

). Tsihivina eto fa nahazo ny

«
*Prix Nobel
de la Paix*

» ny Jeneraly George C. Marshall ny taona 1953 satria tena nanavotra ny Eoropa tokoa ilay planina mitondra ny anarany. Ary ny taona nahafatesany, 1959 izany, dia nahazo ny «*Prix international Charlemagne d'Aix-la-Chapelle*» »

na koa

«
Internationaler Karlspreis zu Aachen

»
noho ny fahombiazan'ny planina fanarenana ny Eoropa mitondra ny anarany.

Ny eto Madagasikara dia tsy mahay mipetraka mihitsy ny resy fa tena lasa aretina ny

fanakianana fahatany izay rehetra ataon'ny mpitondra. Dia mandany vola sy fotoana mihitsy anie mamorona izao karazana «*fahamarinana*» tsy mitombona akory rehefa tena karohina ny tena fotony. Ny loza dia tsy mahala izany hoe henatra izany intsony ry zareo. Ohatra iray fotsiny ity ary mikasika ny Rovany Antananarivo. Tsy tahotra tsy henatra akory ry Andriamanalina Fidy Valisoa sy Mektoub Omar El Camille masahy manoratra sy manao sonia (ny 04 jona 2020) fa «*noravana*

ireo sisa tavela

tamin'ny Lapa Masoandro, izay tsy azo atao »

. Asa, karazana andriana sy printsy inona itony manao fanahy iniana mandiso ny tantara itony. Ity ny marina mikasika io Lapa Masoandro io, sokafo tsara ny maso : nisy tokoa izany hoe Lapa Masoandrotsiroa izany teo amin'io toerana io ary tao ny Mpanjakavavy Ranavalona III no monina. Biriky sy mololo no nanamboaran'ilay frantsay William Pool azy.

Fa ny taona 1892 dia nanapakevitra i Ranavalona III fa ho ravana ka ho soloina Lapa Masoandro vaovao. Ny frantsay Bouts sy Rigaud no nanankinan'ny Mpanjakavavy hanangana izany lapa vaovao izany, ary fototra amin'ny «*béton*» no nampiasain'izy ireo. Ny taona 1893 no nanomboka ny asa ary tsy vita intsony satria samy mahalala isika fa tonga ny taona 1896 dia lasa zanatany frantsay i Madagasikara ary natao sesin-tany ny Mpanjakavavy Ranavalona III. Ny fototra «*béton*» sisa no tavela teo.

Ka aiza ho aiza ary ny hoe

«

noravana

ireo sisa tavela »

nolazain'ireo karazan'olona tsy manaja akory ny teny nieranan'ny samy andriana ireo ?...

Jamban'ny inona loatra re ?

Raha iverenana ny «*Plan Marshall*» dia tsy inona akory izany ilay izy fa fomba ara-bola afahana manarina firenena potiky ny ady ao anatina fotoana fohy ka Fanjakana no miantoka ny famatsiam-bola. Tsy «*Plan quinquennal*» io, tsy «*finance ments parallèles*»

io, tsy Map (

«

Madagascar Action Plan

»

) io, tsy

Fisandratana

io, tsy lem (

«

Initiative pour l'Emergence de Madagascar

»

) io fa tena tolotra maty paika mipetraka eo amina fahaiza-mitantana voarindra sy tsy misy fanodikodinana. Eto Madagasikara, tsy nisy ny ady fa raha oharina amin'ireo taona 1960 ny

fiainana amin'izao taona 2020 izao, dia latsaka ao anatin'ny lavaky ny fahantrana lalina dia lalina ilay Nosy nomen'Andriamanitra ny vahoaka malagasy. Nisy tompon'antoka teo ary, indrisy, izay mbola velona no mitabataba indrindra, ny sasany... Azy ny azy fa ho ratsy fiafarana hatrany...



Hoy ny Filoha Andry Rajoelina, tamin'ny alahady 14 Jona 2020 tao amin'ny Tvm : « *Misy vola mitentina 1.043 miliara ariary ho zaraina amin'ny faritra rehetra tsy ankanavaka, hanamboarana hopitaly, sekoly, sns* »

. Manomboka eto izany isika, miandry ny fanazavana lalin-dalina kokoa avy amin'ireo tomponandraikitra mivantana tokony hampitovy ny tadin-dokangany fa tsy hitady ranondranony. Raha fanaja ny mpitondra (fa tsy ilaina tenenina koa izany isakin'izay mahatsihahy) dia ny vahoaka no tompoina fa tsy olon-kafa akory. Ary tsy miandry ny kiana tsy maintsy hisy vao mikoropaka ! Satria lasa mirediredy toa mpanohitra mihitsy ny sasany satria tsy fanazavana no mipoitra fa famonona afo. Mafy mihitsy ve izany very seza izany e !? Ny marina, ilay tombontsoa azo avy amin'izany fahefana izany. Rehefa tena voafehinareo ny asanareo tokony tsy matahotra izany voaraoka izany mihitsy. Eny e, nisy ny

« *bonbons sucettes* »

fa mino ve ianareo fa io minisitra io irery no nahavita namoaka izany vola 8 milliara ariary izany ? Nefa mbola ao amin'io ministera io ireo tena fositra, tsy voakitika. Raha izany leiretsy no mitohy dia na i Jesosy aza no mitondra ity firenena ity, mety tsy ho tafavoaka an ! Satria, hoy ny sasany. Satria, olombelona nofo sy rà. Efa hoe hahita tenenina foana !

Jeannot Ramambazafy - Nivoaka koa ao amin'ny "La Gazette de la Grande île", Alarobia 17 Jona 2020

PLAN MARSHALL : FA INONA TOKOA MOA IZY IO ?

La Gazette
de la Grande Ile
Mardi 17 Juin 2020 N° 2008 Prix : 1 000 Ariary

CHRONIQUE A. A. Andriam
La débâcle des partis politiques

A propos de la pandémie
Le Président et l'art de la précision

« Madagasikara, the real Madagascar »
Un film interpellatif pour le 60ème !

RETOUR EN FRANCE
Revoir la notion de situation maîtrisée !

Situation Covid-19
2 décès, une hausse des nouveaux cas dans la Capitale

Médecine de la Santé Publique
La lutte contre la Covid-19 continue

Balance économique
Rencontre Etatsecteur privé ce jour

Vie quotidienne
La population est à sec !

Libéralisation de "Public goods"
A quand pour le Cannabis ?

Eclairage public à Toliara
56 lampadaires solaires installés par le groupe FILATEX

Un sondage
Variana niady grady sy fahafana ny maramila

Chroniques
Olona roa indray no maty

Manomboka mifanitsa-kitra ny olona

THE STORY OF 3 WOMEN'S FIGHT FOR SURVIVAL
MADAGASIKARA
"FAHATANA TANGA - FIBITREKATANA - FINITSEAN-PO" (Merina 3)

TSINDRIO ETO HO I EMBRE KOKOA

Plan Marshall
Fa inona tokoa moa izy io ?

PLAN MARSHALL
1,043 miliara Ar
Vont'ny fanambanana ho 2020

Desider